



.....

**Xornada**

# **Mapa Sonoro de Galicia: vila a vila**

**/// Friol**

.....

**Centro Sociocultural**

Friol (Lugo)

Venres, 18 de febreiro de 2022



Desde o Consello da Cultura Galega, a través do Arquivo Sonoro de Galicia (ASG), estamos a promover a conservación do patrimonio sonoro de Galicia presentando o Mapa Sonoro de Galicia, que é a ferramenta onde queremos que teñan representación as vilas e bisbarras do país coa súa propia identidade sonora.

O Mapa Sonoro de Galicia ([mapasonoro.consellodacultura.gal](http://mapasonoro.consellodacultura.gal)) nace co obxectivo de ofrecer unha perspectiva xeográfica a coleccións sonoras xa custodiadas pola institución ou por outras entidades e particulares. Está especializado en coleccións de recollida antropolóxica, etnográfica, lingüística ou de sons da natureza, ambiente ou de actividade humana.

O Mapa Sonoro parte de máis de 800 documentos sonoros distribuídos por todo o país, espallados en coleccións sonoras moi diversas en tipoloxía e distribución xeográfica: A cultura popular de tradición oral nos centros da terceira idade recolle lendas, contos populares e gravacións dos nosos maiores. A nosa fala permite coñecer e diferenciar as variedades dialectais da lingua galega. Auga doce: viaxe sonora polo río Miño acolle os sons do gran río de Galicia, desde o paso natural do río ata as accións humanas vinculadas a el. Sons da terra permite escoitar sons da natureza pero tamén de oficios xa desaparecidos, e o Cancioneiro antropolóxico recolle os cantares e a tradición musical das montañas do Lor e as terras de Quiroga, en Lugo.

Trátase de ofrecer esta ferramenta á cidadanía para que poida incorporar aqueles materiais sonoros que forman parte da identidade sonora das súas vilas, para así preservar a nosa memoria.

# Programa



19:00 horas

Presentación da xornada

19:15 horas

*O ASG E O MAPA SONORO DE GALICIA: VILA A VILA*

**Xosé Ramón Pousa**, director do Arquivo Sonoro de Galicia do Consello da Cultura Galega

“MAPA SONORO DE GALICIA: VILA A VILA” é, polo tanto, un ciclo de xornadas deseñadas para plasmar a identidade sonora das principais vilas de Galicia que se iniciou no mes de setembro de 2021 en Ribadavia e que se levará a cabo ao longo do ano 2022.

O formato que se presenta é moi sinxelo. Consiste nunha xornada de pouco máis dunha hora de duración na que se expón a importancia do son como valor cultural e a necesidade de conservar os sons do presente para xeracións futuras, así como o labor que leva a cabo o ASG, especialmente a través do Mapa Sonoro de Galicia.

Na mesma sesión, as persoas asistentes determinarán as voces e os sons (naturais ou artificiais) que consideran máis representativos da vila que se visita e a súa área de influencia, planificando a gravación deles. No acto explicaranse a dinámica e a técnica de realización das gravacións, que, na súa maior parte, serán efectuadas cos teléfonos móbiles das persoas participantes, as cales terán unha semana de prazo para proceder á súa realización e á subida dos sons ao Mapa Sonoro de Galicia, onde quedarán, en aberto, a disposición do público.

## **Organiza**

Arquivo Sonoro de Galicia (CCG)  
Consello da Cultura Galega

## **Colabora**

Concello de Friol

## **Coordina**

Xosé Ramón Pousa

## **Lugar**

Centro Sociocultural  
Rúa Deputación, 18  
27220 Friol (Lugo)

## **Inscripción**

Prazas limitadas.

Podes inscribirte enviando os teus datos ao correo [cultura@concellodefriol.es](mailto:cultura@concellodefriol.es) ou de forma presencial nas oficinas do Concello de Friol.

## **Máis información**

[www.consellodacultura.gal](http://www.consellodacultura.gal)

[difusion@consellodacultura.gal](mailto:difusion@consellodacultura.gal)

Consulta os materiais en <http://consellodacultura.gal>

---

**Organiza:**



**Colabora**

